

42. AL-SYU'RA (REMBUK)

Suet ke-42: 53 ayat

Ngen madeak gen Allah da Paling memu-ak
kulo paling Penyayang

بِسْمِ اللَّهِ الرَّحْمَنِ الرَّحِيمِ

1. Thaa sim miin

حَمْدٌ

2. Dio ba ayat-ayat Al-Qur'an do tem'ang
ne

عَسَقٌ

3. Awei o ba Allah Yang Maha Perkasa igai
Maha Bijaksana, mewahyukan magea udi
dan magea tun tun de ayok udi.

كَذَلِكَ يُوحَىٰ إِلَيْكَ وَإِلَى الَّذِينَ مِن قَبْلِكَ اللَّهُ

الْعَزِيزُ الْحَكِيمُ

4. Si temuan jano de ade neak lenget ngen
jano de ade neak bumei. Dan Si ba de
Maha Lekat igai Maha Lai.

لَهُ مَا فِي السَّمَوَاتِ وَمَا فِي الْأَرْضِ ۗ وَهُوَ الْعَلِيُّ

الْعَظِيمُ

5. Gesea lenget o pecuak kunei das (karno
kebesaran Tuhan) dan Malaikat-malaikat
bertasbih ngen memujai Tuhan ne dan
minoi ampun untuk tun tun de ade neak
bumei. Inget ba, bahwa sesungguhnya ne
Allah Si ba de Maha Pengampun igai
Penyayang.

تَكَادُ السَّمَوَاتُ يَنْفَطَرْنَ مِن فَوْقِهِنَّ ۗ وَالْمَلَائِكَةُ

يُسَبِّحُونَ بِحَمْدِ رَبِّهِمْ وَيَسْتَغْفِرُونَ لِمَن فِي

الْأَرْضِ ۗ إِلَّا إِنَّ اللَّهَ هُوَ الْغَفُورُ الرَّحِيمُ

6. Dan tun tun de mok pelindung pelindung
seluyen Allah, Allah mawas (kerjo) tobo
o.

وَالَّذِينَ اتَّخَذُوا مِن دُونِهِ أَوْلِيَاءَ اللَّهُ حَفِيظٌ عَلَيْهِمْ

وَمَا أَنتَ عَلَيْهِم بِوَكِيلٍ

7. Awei o ba Keme mewahyukan magea ko
Al-qur'an neak lem baso Arab, supayo ko
mlei keminget magea Ummul Qura
(penduduk Mekeak) dan penduduk
(negrainegrain) de keliling ne serto mlei
keminget (kulo) tentang bilai bekopoa
(kiamat) de coa ade keraguan magea ne.
do golongan masuk surgo, dan do
golongan masuk nerako.

وَكَذَلِكَ أَوْحَيْنَا إِلَيْكَ قُرْءَانًا عَرَبِيًّا لِتُنذِرَ أُمَّ

الْقُرَىٰ وَمَنْ حَوْلَهَا وَتُنذِرَ يَوْمَ الْجُمُعِ لَا رَيْبَ فِيهِ

فَرِيقٌ فِي الْجَنَّةِ وَفَرِيقٌ فِي السَّعِيرِ

8. Dan kalau Allah kemlok niscayo Allah

وَلَوْ شَاءَ اللَّهُ لَجَعَلَهُمْ أُمَّةً وَاحِدَةً وَلَكِن يُدْخِلُ مَنْ

jemijai tobo o do umat (bae), tetapi Si memasukkan tun tun de kenlok-Ne neak lem rahmat-Ne. dan tun tun de zolim coa gen bagiak tobo o do tun pelindungpun dan coa kulo tun temulung.

يَشَاءُ فِي رَحْمَتِهِ ۚ وَالظَّالِمُونَ مَا لَهُمْ مِنْ وَلِيٍّ وَلَا
نَصِيرٍ ﴿١٠٠﴾

9. Atau patutkah tobo o mok pelindung-pelindung seluyen Allah? Mako Allah, Si ba pelindung (de sebenea ne) dan Si midup tun tun de matei, dan Si o Maha kuaso atas jano bae.

أَمْ اتَّخَذُوا مِنْ دُونِهِ أَوْلِيَاءَ ۗ قَالَ اللَّهُ هُوَ الْوَلِيُّ وَهُوَ
شُحِيِّ الْمَوْتَىٰ وَهُوَ عَلَىٰ كُلِّ شَيْءٍ قَدِيرٌ ﴿١٠١﴾

10. Tentang jano bae udi selisiak, mako putusanne (tesereak) magea Allah, (de temuan sipet sipet awei o) do o ba Allah Tuhanku. Magea Si ba uku betawakkal dan magea Si kulo uku belek.

وَمَا اخْتَلَفْتُمْ فِيهِ مِنْ شَيْءٍ فَحُكْمُهُ إِلَى اللَّهِ ذَلِكُمُ
اللَّهُ رَبِّي عَلَيْهِ تَوَكَّلْتُ وَإِلَيْهِ أُنِيبُ ﴿١٠٢﴾

11. (Si) pencipta lenget ngen bumei. Si jemijai udi kunei jenis udi dewek pasngan-pasngan dan kunei jenis binatang ternok pasangan-pasangan (kulo), jenijai-Ne udi bekembang biok ngen dalen o. coa ade sesuatu pun de serupo ngen Si, dan Si ba de Maha Temiuk ngen Kemliak.

فَاطِرُ السَّمَوَاتِ وَالْأَرْضِ جَعَلَ لَكُمْ مِنْ أَنْفُسِكُمْ
أَزْوَاجًا وَمِنَ الْأَنْعَامِ أَزْوَاجًا يَذُرُّكُمْ فِيهِ لَيْسَ
كَمِثْلِهِ شَيْءٌ ۗ وَهُوَ السَّمِيعُ الْبَصِيرُ ﴿١٠٣﴾

12. Si ba de temuan perbendaharaan lenget ngen bumai; Si melapang jerkai api bae de kenlok-Ne dan semepit ne. Sesungguakne Si Maha Namen jano bae.

لَهُ مَقَالِيدُ السَّمَوَاتِ وَالْأَرْضِ ۗ يَبْسُطُ الرِّزْقَ
لِمَنْ يَشَاءُ وَيَقْدِرُ ۗ إِنَّهُ بِكُلِّ شَيْءٍ عَلِيمٌ ﴿١٠٤﴾

13. Si telah mensyariatkan bagiak udi tentang agamo de ipe sudo diwasiatkan-Ne megea Nuh dan jano bae de sudo Keme wahyukan magea ko dan jano bae de sudo Keme wasiatkan magea Ibrahim, Muda ngen Isa adeba Ten gok ba agamo dan jibeak udi bepecuak beleak tentangne. Beneg nien bagiak tun tun musyrik de udi semru tobo o. Allah temarik moi agamo tun tun de kenlok-Ne dan mlei petunjuk magea tun tun de belek (magea-Si).

﴿ شَرَعَ لَكُمْ مِنَ الدِّينِ مَا وَصَّىٰ بِهِ نُوحًا وَالَّذِي
أَوْحَيْنَا إِلَيْكَ وَمَا وَصَّيْنَا بِهِ إِبْرَاهِيمَ وَمُوسَىٰ
وَعِيسَىٰ أَنْ أَقِيمُوا الدِّينَ وَلَا تَتَفَرَّقُوا فِيهِ ۚ كَبُرَ عَلَى
الْمُشْرِكِينَ مَا تَدْعُوهُمْ إِلَيْهِ ۗ اللَّهُ يَجْتَبِي إِلَيْهِ مَنْ
يَشَاءُ وَيَهْدِي إِلَيْهِ مَنْ يُنِيبُ ﴿١٠٥﴾

14. Dan tobo o (ahli kiteb) coa bepecuak beleak, kecuali sesudo teko magea tobo o

وَمَا تَفَرَّقُوا إِلَّا مِنْ بَعْدِ مَا جَاءَهُمُ الْعِلْمُ بَغْيًا

ilmu pengetahuan, karno kedengian diantaro tobo o. Kalau coa karno sesuatu ketetapan de ade kunei Tuhannu bel o (untuk temanggu azab) sapei waktau de sudo tentau, pasti ba tobo o sudo dibinasokan. Dan sesungguakne tun tun de wariskan magea tobo o Al-Kiteb (taurat ngen Injil) sesudo tobo o, benea-benea berado neak lem keraguan de gemucang tentang kiteb o.

15. Mako karno o senru ba (tobo o magea agamo yo) dan tetep ba sebagai agamo de rintepak ngen ko dan jibeak mikut hawa nafsu tobo o dan nadeak ba: “Uku berimen ngen kute Kiteb de tenu-un Allah dan uku bi nriteak supayo belaku adea neak antaro udi. Allah ba Tuhan keme dan Tuhan udi. Bagiak keme amea-amea keme dan bagiak udi amea-amea udi. Coa ade petengkaran antaro keme ngen udi, Allah kemopoa antaro ite dan magea Si ba ite belek.

16. Dan tun-tun de mbantah (agamo) Allah sesudo agamo o tenrimo mako bantahan tobo o sio-sio bae neak isia Tuhan tobo o. Tobo o demapet kemurko-an (Allah) dan bagiak tobo o azab kembang gis.

17. Allah-ba de temu'un kiteb ngen (mbin) debenea dan (temu'un) neraco (adea). Dan namen coa udi, buliak bae bilai kiamat o bi pa-ok?

18. Tun-tun de coa berimen ngen bilai kiamat minoi supayo bilai o segero tenko dan tun-tun de berimen meraso saban ngen si dan tobo o yakin bahwa kimata o benea (akan jijai). Namenba bahwa sesungguakne tun-tun de mbantah tentang tejjaine kiamat o benea-benea neak lem kesesatan de uak.

19. Allah Maha lembut teradep hamba-

بَيْنَهُمْ ۚ وَلَوْلَا كَلِمَةٌ سَبَقَتْ مِنْ رَبِّكَ إِلَىٰ أَجَلٍ مُّسَمًّى لَّفُضِيَٰ بَيْنَهُمْ ۚ وَإِنَّ الَّذِينَ أُورِثُوا الْكِتَابَ مِنْ بَعْدِهِمْ لَفِي شَكٍّ مِّنْهُ مُرِيبٍ ﴿٤٤﴾

فَإِلَّا لَكَ فَادَعُ ۗ وَاسْتَقِمْ كَمَا أُمِرْتَ وَلَا تَتَّبِعْ أَهْوَاءَهُمْ ۗ وَقُلْ ءَامَنْتُ بِمَا أَنْزَلَ اللَّهُ مِنْ كِتَابٍ وَأُمِرْتُ لِأَعْدِلَ بَيْنَكُمُ ۗ اللَّهُ رَبُّنَا وَرَبُّكُمْ ۗ لَنَأَعْمَلُنَا وَلَكُمْ أَعْمَالُكُمْ ۗ لَا حُجَّةَ بَيْنَنَا وَبَيْنَكُمُ ۗ اللَّهُ يَجْمَعُ بَيْنَنَا وَإِلَيْهِ الْمَصِيرُ ﴿٤٥﴾

وَالَّذِينَ يُتَخَاوُونَ فِي اللَّهِ مِنْ بَعْدِ مَا اسْتُجِيبَ لَهُمْ حَتُّهُمْ دَاحِضَةٌ عِنْدَ رَبِّهِمْ وَعَلَيْهِمْ غَضَبٌ وَلَهُمْ عَذَابٌ شَدِيدٌ ﴿٤٦﴾

اللَّهُ الَّذِي أَنْزَلَ الْكِتَابَ بِالْحَقِّ وَالْمِيزَانَ ۗ وَمَا يُدْرِيكَ لَعَلَّ السَّاعَةَ قَرِيبٌ ﴿٤٧﴾

يَسْتَعْجِلُ بِهَا الَّذِينَ لَا يُؤْمِنُونَ بِهَا ۗ وَالَّذِينَ ءَامَنُوا مُشْفِقُونَ مِنْهَا وَيَعْلَمُونَ أَنَّهَا الْحَقُّ ۗ أَلَا إِنَّ الَّذِينَ يُمَارُونَ فِي السَّاعَةِ لَفِي ضَلَالٍ بَعِيدٍ ﴿٤٨﴾

اللَّهُ لَطِيفٌ بِعِبَادِهِ ۗ يَرْزُقُ مَنْ يَشَاءُ ۗ وَهُوَ الْقَوِيُّ

hamba-Ne; Si mlei jerkai magea api bae de kenlok Ne dan Si ba de Maha Kuat ngen Maha Perkasa.

الْعَزِيزُ ﴿١١﴾

20. Api bae de kemlok keuntungan neak akhirat akan Keme temabeak keuntungan o bagiakne dan api bae de kemlok keuntungan neak dunio Keme mlei ngeni sebagian kunei keuntungan dunio dan coa ade bagiak ne coa ade kebahagiaan neak akherat.

مَنْ كَانَ يُرِيدُ حَرْثَ الْآخِرَةِ نَزِدْ لَهُ فِي حَرْثِهِ ۖ
وَمَنْ كَانَ يُرِيدُ حَرْثَ الدُّنْيَا نُؤْتِهِ مِنْهَا وَمَا لَهُ
فِي الْآخِرَةِ مِنْ نَصِيبٍ ﴿١٢﴾

21. Janokah tobo o ade sesembeak seluyen Allah de mensyariatkan utuk tobo o agamo de coa nizin Allah? Sekirone coa ade ketetapan de menentuan (kunei Allah) tentuba tobo o bisudo dibinasokan. Dan sesungguakne tun-tun de zolim o akan memperoleh azab kembang ne.

أَمْ لَهُمْ شُرَكَاءُ شَرَعُوا لَهُمْ مِنَ الدِّينِ مَا لَمْ
يَأْذَنْ بِهِ اللَّهُ وَلَوْلَا كَلِمَةُ الْفَصْلِ لَفُضِيَ بَيْنَهُمْ
وَإِنَّ الظَّالِمِينَ لَهُمْ عَذَابٌ أَلِيمٌ ﴿١٣﴾

22. Ko kemliak tun-tun de zolim kembang saben karno kejahatan-kejahatan de sudo tobo o kemrejo, sedang siksaan menimpo tobo o. Dan tun-tun de berimen serto kemrejo amea soleh (berado) neak lem taman-taman surgo, tobo o memperoleh jano de kemlok neak isia Tuhan tobo o. Awei o ba adeba karunia de lai.

تَرَى الظَّالِمِينَ مُشْفِقِينَ مِمَّا كَسَبُوا
وَهُوَ وَقَعُ بِهِمْ ۗ وَالَّذِينَ ءَامَنُوا وَعَمِلُوا الصَّالِحَاتِ
فِي رَوْضَاتِ الْجَنَّاتِ لَهُمْ مَا يَشَاءُونَ عِنْدَ رَبِّهِمْ ۖ
ذَٰلِكَ هُوَ الْفَضْلُ الْكَبِيرُ ﴿١٤﴾

23. Do o ba (karunia) de (ngen o) Allah menggembirokan hamba-hamba-Ne de berimen dan kemrejo amea soleh. Nadeak ba: "Uku coa minoi upeak ngen ko atas seruanku kecuali kasiak sayang neak lem kekeluargaan". Dan api de kemrejo kebaikan akan Keme temabeak bagiakne kebaikan neak kebaikan ne o. Sesungguakne Allah Maha pengampun igai Maha Mensyukuri.

ذَٰلِكَ الَّذِي يُبَشِّرُ اللَّهَ عِبَادَهُ الَّذِينَ ءَامَنُوا وَعَمِلُوا
الصَّالِحَاتِ ۗ قُلْ لَا أَسْأَلُكُمْ عَلَيْهِ أَجْرًا إِلَّا الْمَوَدَّةَ
فِي الْقُرْبَىٰ ۗ وَمَن يَقْتَرِفْ حَسَنَةً نَّزِدْ لَهُ فِيهَا حُسْنًا
إِنَّ اللَّهَ غَفُورٌ شَكُورٌ ﴿١٥﴾

24. Bahkan tobo o madeak: "Si (Muhammad) made ngike teradep Allah". Mako jika Allah kemlok niscayo Si kemucai matei ateinu; dan Allah mapus de batil dan mbenea de hak ngen kalimat-kalimat-Ne (Al-Qur'an). Sesungguakne Si Maha

أَمْ يَقُولُونَ افْتَرَىٰ عَلَى اللَّهِ كَذِبًا ۗ فَإِن يَشَأِ اللَّهُ
يَخْتَمِرْ عَلَىٰ قَلْبِكَ ۗ وَيَمْحُ اللَّهُ الْبَاطِلَ وَيُحِقُّ الْحَقَّ
بِكَلِمَتِهِ ۗ إِنَّهُ عَلِيمٌ بِذَاتِ الصُّدُورِ ﴿١٦﴾

Namen kute isai atei.

25. Dan Si ba de temimo taubat kunei hamba-hamba-Ne dan memaafkan kesalahan-kesalahan dan namen jano bae de ko kemrejo. وَهُوَ الَّذِي يَقْبَلُ التَّوْبَةَ عَنْ عِبَادِهِ وَيَعْفُو عَنِ السَّيِّئَاتِ وَيَعْلَمُ مَا تَفْعَلُونَ ﴿١٥﴾
26. Dan Si memperkenankan (du-o) tun-tun de berimen serto kemrejo amea de soleh dan temabeak (pahalo) megea tobo o kunei karunia-Ne. Dan tun-tun de kapia bagiak tobo o azab kembang gis. وَيَسْتَجِيبُ الَّذِينَ ءَامَنُوا وَعَمِلُوا الصَّالِحَاتِ وَيَزِيدُهُم مِّن فَضْلِهِ ؕ وَالْكَافِرُونَ لَهُمْ عَذَابٌ شَدِيدٌ ﴿١٦﴾
27. Dan jikalau Allah mlapang jerkai magea hamba-hamba-ne tentuba tobo o akan mlapau batas neak muko bumei, tetapi Allah temu'un jano bae de kenlok-Ne ngen ukuran. Sesungguakne Si Maha Namen (keadaan) hamba-hamba-Ne igai Maha Kemliak. ﴿ وَلَوْ بَسَطَ اللَّهُ الرِّزْقَ لِعِبَادِهِ لَبَغَوْا فِي الْأَرْضِ وَلَٰكِن يُنَزِّلُ بِقَدَرٍ مَّا يَشَاءُ ؕ إِنَّهُ بِعِبَادِهِ خَبِيرٌ بَصِيرٌ ﴿١٧﴾
28. Dan Si ba de temu'un ujen sesudo tobo o beputus aso dan cemibea rahmat-Ne. Dan Si ba de Maha Pelindung igai Maha Tepujai. وَهُوَ الَّذِي يُنَزِّلُ الْغَيْثَ مِّن بَعْدِ مَا قَنَطُوا وَيَنشُرُ رَحْمَتَهُ ؕ وَهُوَ الْوَلِيُّ الْحَمِيدُ ﴿١٨﴾
29. Diantaro (ayat-ayat) tando-tando-Ne adeba menciptakan lenget dan bumai dan makhluk-makhluk de melata de Si semibea neak keduwaine. Dan Si Maha Kuaso kemupua kutene apabilo kenlok-Ne. وَمِن ءَايَاتِهِ خَلْقُ السَّمَوَاتِ وَالْأَرْضِ وَمَا بَثَّ فِيهِمَا مِن دَابَّةٍ ؕ وَهُوَ عَلَىٰ جَمْعِهِمْ إِذَا يَشَاءُ قَدِيرٌ ﴿١٩﴾
30. Dan jano bae musibah de menimpo ko mako adeba disebabkan oleh perbuatan tangannu dewek, dan Allah memaafkan sebagian lai (kunei kesaleak-kesaleaknu). وَمَا أَصَابَكُمْ مِّن مُّصِيبَةٍ فِيمَا كَسَبَتْ أَيْدِيكُمْ وَيَعْفُوا عَنْ كَثِيرٍ ﴿٢٠﴾
31. Dan ko coa dapet melepas dirai (unei azab Allah) neak muko bumai, dan ko coa meperoleh do tun pelindung dan coa kulo penulung sluyen Allah. وَمَا أَنْتُمْ بِمُعْجِزِينَ فِي الْأَرْضِ وَمَا لَكُمْ مِّن دُونِ اللَّهِ مِن وَلِيٍّ وَلَا نَصِيرٍ ﴿٢١﴾
32. Dan diantaro tando-tando kekuasaan-Ne adeba kepea-kepea neak tengesak (de belayar) neak laut awei tebo-tebo. وَمِن ءَايَاتِهِ الْجَوَارِ فِي الْبَحْرِ كَالْأَعْلَامِ ﴿٢٢﴾

33. Jiko Si kemlok. Si akan temnang angin, mako jijai ba kepea-kepea o bedan neak das laut. Sesungguakne neak awei o tedapet tando-tando (kekuasaanne) bagiak tip tun de dau sabar dan dau besukur. إِنْ يَشَأْ يُسْكِنِ الرِّيحَ فَيَظْلَلْنَ رَوَاكِدَ عَلَى ظَهْرِهِ ۗ إِنَّ فِي ذَلِكَ لَآيَاتٍ لِّكُلِّ صَبَّارٍ شَكُورٍ ﴿٣٣﴾
34. Atau kepea-kepea o dibinasokan-Ne karno perbuatan tobo o atau Si mlei maaf sebagian dau (kunei tobo o). أَوْ يُوبِقُهُنَّ بِمَا كَسَبُوا وَيَعْفُ عَنْ كَثِيرٍ ﴿٣٤﴾
35. Ngen supayo tun do metawen ayat-ayat (kuaso) keme namen bahwa tobo'o debat-debat coa bakea dapet dalen ketwea (kenai siksoan) وَيَعْلَمَ الَّذِينَ تَبَدَّلُونَ فِي آيَاتِنَا مَا هُمْ مِنْ حَاحِصٍ ﴿٣٥﴾
36. Mako jano bae do nlei ngen ko, do'oba kenikmatan idup nak deo'yo. Gen do ade ngen sisi Allah lebiak baik gen lebiak kekal untuk tun doberiman. Tobo o bertawakal. فَمَا أُوْتِيْتُمْ مِنْ شَيْءٍ فَمَتَّعْ الْحَيَاةَ الدُّنْيَا وَمَا عِنْدَ اللَّهِ خَيْرٌ وَأَبْقَى لِلَّذِينَ ءَامَنُوا وَعَلَىٰ رَبِّهِمْ يَتَوَكَّلُونَ ﴿٣٦﴾
37. Ngen untuk tun-tun do meuak duso-duso lai negn uleak-uleak kidek amen tobo'o mlei maaf. وَالَّذِينَ تَجْتَنِبُونَ كَبِيرَ الْإِثْمِ وَالْفَوَاحِشَ وَإِذَا مَا غَضِبُوا هُمْ يَغْفِرُونَ ﴿٣٧﴾
38. Ngen untuk tun-tun donrimo (patuh) ngen musyawarah antaro antaro tobo'o ngen tobo'o manafkahkan pa;o kenei rezkai do keme mlei ngen tobo'o. وَالَّذِينَ اسْتَجَابُوا لِرَبِّهِمْ وَأَقَامُوا الصَّلَاةَ وَأَمْرُهُمْ شُورَىٰ بَيْنَهُمْ وَمِمَّا رَزَقْنَاهُمْ يُنفِقُونَ ﴿٣٨﴾
39. Ngen untuk tun do ger ketiko do tun mlei kelakuan ngen zalim/kejam tobo'o bela dirai. وَالَّذِينَ إِذَا أَصَابَهُمُ الْبَغْيُ هُمْ يَنْتَصِرُونَ ﴿٣٩﴾
40. Ngen balasan kejahatan adeba kejahatan do serupo, mako api bae memaafkan ngen mnea do baik, mako pahalo ne das (tnanggung) Allah, do'oba do nien ne si coa snang tun-tun do zalim. وَجَزَاءُ سَيِّئَةٍ سَيِّئَةٌ مِّثْلُهَا ۗ فَمَنْ عَفَا وَأَصْلَحَ فَأَجْرُهُ عَلَى اللَّهِ ۗ إِنَّهُ لَا يُحِبُّ الظَّالِمِينَ ﴿٤٠﴾
41. Ngen sungguh nien tun-tun do mbleak dirai sesudo teraniayo, coa gok do duso tobo'o. وَلَمَنِ أَنْتَصَرَ بَعْدَ ظُلْمِهِ فَأُولَٰئِكَ مَا عَلَيْهِمْ مِنْ سَبِيلٍ ﴿٤١﴾
42. Sungguh ne duso o tobo tun-tun do menea zalim ngen manusio ngen gik kliwet batas إِنَّمَا السَّبِيلُ عَلَى الَّذِينَ يَظْلِمُونَ النَّاسَ وَيَبْغُونَ

neak dunio coa hok. Tobo o ba do dapetazab giak perlgiaak.

فِي الْأَرْضِ بغيرِ الْحَقِّ ۚ أُولَٰئِكَ لَهُمْ عَذَابٌ أَلِيمٌ



43. Tapi tun do sabar ngen memaafkan sungguh (kelakuan) do o ba termasuk hal-hal utamakan.

وَلَمَن صَبَرَ وَغَفَرَ إِنَّ ذَٰلِكَ لَمِنَ عَزْمِ الْأُمُورِ

44. Dan api do sesatkan Allah, mako coa gen untuk si do tun pemimpin sluyen si, sudo o ko akan kemliak tun-tun do zalim, ktiko tobo o kemliak azab madeak “ade coa kiro ne dalen untuk balek (moi dunio)?

وَمَن يُضَلِّلِ اللَّهُ فَمَا لَهُ مِن وَّلِيٍّ مِّن بَعْدِهِ ۗ وَتَرَى الظَّالِمِينَ لَمَّا رَأُوا الْعَذَابَ يَقُولُونَ هَلْ إِلَىٰ مَرَدٍّ مِّن سَبِيلٍ

45. Ngen ko bakei krmliek tobo'o bakeak nadem moi mtako naklem keadaan tun'nuk kerno maraso hino, tobo o kemleak ngen matai dolesu. Tun-tun do berimen madeak: sebenea ne tun-tun do mrugai ba tun-tun do zalim o ba ade nak lem azab sekean-keanne.

وَتَرَاهُمْ يُعْرَضُونَ عَلَيْهَا خَشِيعِينَ مِنَ الدَّلِّ يَنْظُرُونَ مِّن طَرْفٍ خَفِيٍّ وَقَالَ الَّذِينَ ءَامَنُوا إِنَّ الْخٰسِرِينَ الَّذِينَ خَسِرُوا أَنفُسَهُمْ وَأَهْلِيَهُمْ يَوْمَ الْقِيٰمَةِ ۗ أَلَا إِنَّ الظَّالِمِينَ فِي عَذَابٍ مُّقِيمٍ

46. Ngen udi coa lok temuan pelindung gi dapet temulung udi seluyen Allah. Bagi api nuyau seset undie. Allah coa lok ade dalen keluea undiene (tuk dapet penunjuk).

وَمَا كَانَتْ هُمْ مِّنْ أَوْلِيَاءَ يَنْصُرُونَهُمْ مِّنْ دُونِ اللَّهِ ۗ وَمَن يُضَلِّلِ اللَّهُ فَمَا لَهُ مِن سَبِيلٍ

47. Taat bangen serau Tuhannu kalau ati teko undie bilai gi coa dapet telulok (atas perintah undie Allah). Bilai o ko coa dapet penan belindung ngen coa kulo dapet milok (doso-dosonu).

أَسْتَجِيبُوا لِرَبِّكُمْ مِّن قَبْلِ أَن يَأْتِيَ يَوْمٌ لَا مَرَدَّ لَهُ مِّنَ اللَّهِ ۗ مَا لَكُمْ مِّن مَّلْجَأٍ يَوْمَئِذٍ وَمَا لَكُمْ مِّن نَّكِيرٍ

48. Kalau udi berpaling, mako (tingetba), keme coa mutus kojijai pengawas bagi udi. Kewajibannu coa luyen nanya ba semapei (risalah). Ngen nien, amen keme meraso ngen manusio doo rahmat undie keme, si semambutne ngen suko, kalau udi, tenipo saro karno tikea tangen udi dewe (niscayo udi mukei) nien, manusio o muker (undie nikmat).

فَإِن أَعْرَضُوا فَمَا أَرْسَلْنَاكَ عَلَيْهِمْ حَفِيظًا ۗ إِنَّ عَلَيْكَ إِلَّا الْبَلٰغُ ۗ وَإِنَّا أَذَقْنَا الْإِنسَانَ مِنَّا رَحْمَةً فَرِحَ بِهَا ۗ وَإِن تُصِيبَهُمْ سَيِّئَةٌ بِمَا قَدَّمَتْ أَيْدِيَهُمْ فَإِنَّ الْإِنسَانَ كَفُورٌ

49. Temuan Allah ba kerajaan lenget ngen bumoi secemito gi si kemelok, melie anak selawei ngen api gi si kemelok, ngen melie anak semanei ngen api si kemelok.
50. Atau si menganugerahkan jenis semanei ngen menea mandul api gi si kemelok, si maha manen, maha kuaso.
51. Ngen coa ba patut bagi do manusio bahwa Allah gi milling ngen si, kecuali ngen perantara wahyu atau undi belakang tabir, atau ngen mutus utusan milikat sudoho newahyu ngen izin ne cano gi si kemelok, nien si maha lekat, maha bijaksana.
52. Ngen sudo o keme wahyu ne ngen ko (Muhammad) ruh (Al Quran) ngen periteak keme. Sebelumne ko coa ba namen cano si kiteb (Al Quran) ngen cano si iman o, tapi keme jemijai Al Quran o ngen cahaya, ngen o keme melie petunjuk api gi keme kemelok nbak nataro hamba-hamba keme. Ngen nien, ko benea-benea bimbing (manusio) nak dalen gi luus.
53. Dalen Allah gi temuan si ba cano gi ade nak lenget ngen cano gi ade nak bumai tinget ba cano bae urusan belek ngen Allah.

لِلَّهِ مُلْكُ السَّمَوَاتِ وَالْأَرْضِ ۖ يَخْلُقُ مَا يَشَاءُ ۗ يَهَبُ
لِمَن يَشَاءُ إِنْتًا وَيَهَبُ لِمَن يَشَاءُ الذُّكُورَ ﴿١٤﴾

أَوْ يُزَوِّجُهُمْ ذُكْرَانًا وَإِنْتًا ۗ وَجَعَلَ مَن يَشَاءُ عَقِيمًا
إِنَّهُ عَلِيمٌ قَدِيرٌ ﴿١٥﴾

﴿١٦﴾ وَمَا كَانَ لِبَشَرٍ أَنْ يُكَلِّمَهُ اللَّهُ إِلَّا وَحْيًا أَوْ مِنْ
وَرَائِي حِجَابٍ أَوْ يُرْسِلَ رَسُولًا فَيُوحِيَ بِإِذْنِهِ مَا
يَشَاءُ ۗ إِنَّهُ عَلَىٰ حَكِيمٍ ﴿١٧﴾

وَكَذَٰلِكَ أَوْحَيْنَا إِلَيْكَ رُوحًا مِّنْ أَمْرِنَا ۗ مَا كُنْتَ
تَدْرِي مَا الْكِتَابُ وَلَا الْإِيمَانُ وَلَكِن جَعَلْنَاهُ نُورًا
نَهْدِي بِهِ مَن نَّشَاءُ مِنْ عِبَادِنَا ۗ وَإِنَّكَ لَتَهْدِي إِلَىٰ
صِرَاطٍ مُّسْتَقِيمٍ ﴿١٨﴾

صِرَاطِ اللَّهِ الَّذِي لَهُ مَا فِي السَّمَوَاتِ وَمَا فِي
الْأَرْضِ ۗ أَلَا إِلَى اللَّهِ تَصِيرُ الْأُمُورُ ﴿١٩﴾